

Misit Deus Filium ut salvetur mundus per ipsum.

✠ Lécctio sancti Evangélii secúndum Ioánnem 3, 16-18

- ¹⁶ «**S**ic diléxit Deus mundum,
ut Fílium suum Unigénitum daret,
ut omnis, qui credit in eum, non péreat,
sed hábeat vitam ætérrnam.
- ¹⁷ Non enim misit Deus Fílium in mundum,
ut iúdicet mundum,
sed ut salvétur mundus per ipsum.
- ¹⁸ Qui credit in eum, non iudicátur;
qui autem non credit, iam iudicátus est,
quia non crédidit in nomen Unigéniti Fílii Dei».

Verbum Dómini.